

# Statuts da l'Uniun rumantscha Grischun central

Furmas che pertuccan persunas valan adina per tuttas duas schlattainas

Num	<p><b>art.1</b></p> <p>L'Uniun rumantscha Grischun central (URGRC) è in'uniun tenor art.60ss. dal Cudesch civil svizzer. L'uniun regionala è affiliada a la Lia rumantscha.</p>
Territori	<p><b>art.2</b></p> <p>L'Uniun rumantscha Grischun central tgira l'intschess rumantsch da Surmir (Surses, Alvra) e da la Sutselva (Schons, Tumleastga, Mantogna). Far part da l'uniun pon era persunas domiciliadas en la diaspora che sa sentan liadas cun il Grischun central.</p>
Intent	<p><b>art.3</b></p> <p>L'intent da l'Uniun rumantscha Grischun central è da mantegnair e promover ils dus idioms da ses intschess, lur cultura e lur diever en scola, en baselgia, en l'administraziun ed en la vita da mintgadi.</p> <p>Ils dus idioms èn surmiran e sutsilvan. L'uniun promova era il rumantsch grischun.</p>
Commembradi	<p><b>art.4</b></p> <p>Commembers da l'Uniun rumantscha Grischun central pon daventar:</p> <ul style="list-style-type: none"><li>- commembers singuls:<ul style="list-style-type: none"><li>• persunas privatas</li><li>• persunas giuridicas</li></ul></li><li>- commembers collectivs<ul style="list-style-type: none"><li>• uniuns subregionalas per la promoziun dal rumantsch</li><li>• vischnancas, plaivs e corporaziuns</li><li>• uniuns e cercels locals da tut gener</li></ul></li></ul> <p>La contribuziun annuala per las singulas categorias vegn fixada da la radunanza generala. Commembers che na pajan betg la contribuziun annuala perdan la commembranza.</p>
Uniuns	<p><b>art.5</b></p> <p>Las uniuns subregionalas, per Surmeir l'Uniun rumantscha da subregionalas Surmeir e per la Sutselva l'Uniun Sutselva rumantscha, furman partenaris legitimis per l'Uniun rumantscha Grischun central.</p>
Confidents	<p><b>art.6</b></p> <p>L'Uniun rumantscha Grischun central sa stenta d'avair ina persuna da contact en mintga vischnanca.</p>
Organs	<p><b>art.7</b></p> <p>Ils organs da l'Uniun rumantscha Grischun central èn:</p> <ul style="list-style-type: none"><li>- la radunanza generala</li><li>- la suprastanza</li><li>- il revisorat</li></ul>

Publicaziuns	<p><b>art.8</b></p> <p>L'Uniun rumantscha Grischun central promova l'ediziun d'ina periodica annuala ed ulteriuras ediziuns.</p>
Mieds finanziaals	<p><b>art.9</b></p> <p>Ils meds finanziaals da l'Uniun rumantscha Grischun central derivan:</p> <ul style="list-style-type: none"> <li>- da la contribuziun annuala da la LR</li> <li>- da las contribuziuns annualas dals commembers</li> <li>- da donaziuns</li> </ul>
Radunanza generala	<p><b>art.10</b></p> <p>La radunanza generala è l'organ suprem da l'Uniun rumantscha Grischun central. Ella vegn convocada almain ina giada ad onn. La suprastanza u 10% dals commembers pon pretender ina radunanza generala extraordinaria.</p>
Publicaziun da la radunanza generala	<p><b>art.11</b></p> <p>La radunanza generala da l'Uniun rumantscha Grischun central rumantsch ha lieu en il decurs da la primavaira ed è da communitgar en la pressa rumantscha almain 15 dis avant la radunanza. Ils commembers vegnan envidads persunalmain.</p>
Incumbensas	<p><b>art.12</b></p> <p>Las incumbensas da la radunanza generala èn:</p> <ul style="list-style-type: none"> <li>- fixar la strategia da l'uniun</li> <li>- fixar il program d'activitad</li> <li>- eleger president, 4 suprastants e 2 suppleants (1 da mintga subregiun)</li> <li>- eleger 2 revisurs ed 1 suppleant</li> <li>- eleger delegads per la LR</li> <li>- nominar la represchentanza en la suprastanza da la LR</li> <li>- approvar il protocol</li> <li>- approvar il rapport da gestiun ed il rendaint</li> <li>- approvar il preventiv</li> <li>- fixar la contribuziun annuala</li> <li>- nominar commembers d'onur e renconuscher merets speziaals</li> </ul>
Perioda d'uffezi	<p><b>art.13</b></p> <p>La perioda d'uffezi cuzzza trais onns. Il presidi è limità a maximal 9 onns. Ad in president d'ina subregiun da l'Uniun rumantscha Grischun central duai per regla suandar in tal da l'autra subregiun.</p>
Suprastanza	<p><b>art.14</b></p> <p>La suprastanza da l'Uniun rumantscha Grischun central sa cumpona da 5 commembers e da 2 suppleants (1 da mintga subregiun). Il president e la suprastanza vegnan elegids da la radunanza generala, la suprastanza sa constituescha sasezza. Ils suprastants da l'Uniun rumantscha Grischun central duain derivar per regla mez e mez da la part surmirana e da la part sutsilvana.</p> <p>Il represchentant da l'Uniun rumantscha Grischun central en la suprastanza da la LR fa automaticamain part cun vusch consultativa a la suprastanza da l'Uniun rumantscha Grischun central.</p>

Incumbensas e competenzas	<p><b>art.15</b>          La suprastanza è l'organ executiv. Ella exequescha sia lavur tenor statuts, tenor il program da lavur ed il preventiv approvà da la radunanza generala. Ella represchenta l'Uniun rumantscha Grischun central anorvers. Ella reparta la lavur en ressorts e po installar cummissiuns u surdar incaricas spezialas.</p>
Sesidas	<p><b>art.16</b>          La suprastanza vegn convocada dal parsura tenor basegn, ubain sche trais commembers igl giavischan. Las decisiuns vegnan pridas cun maioritad sempli, mintga suprastant è obligà da vuschar. La suprastanza po envidar il menader dal center regional cun vusch consultativa a las sesidas da suprastanza.</p>
Revisorat	<p><b>art.17</b>          Il quint da gestiun vegn serrà cun la fin da l'on calendar. Ils revisurs controlleschan l'administraziun e revedan il quint. Els rapportan en scrit a la radunanza generala.</p>
Iniziativa e recurs	<p><b>art.18</b>          10% dals commembers pon inoltrar a scrit ina iniziativa a la suprastanza. L'iniziativa sto vegnir inoltrada almain 2 mais avant la radunanza generala. Ella sto vegnir tractandada per la proxima radunanza generala.</p>
Dissoluziun	<p><b>art.19</b>          L'Uniun rumantscha Grischun central po vegnir dissolvada cun <math>\frac{2}{3}</math> da las vuschs dals preschents cun dretg da vuschar. En cas d'ina dissoluziun duai la facultad da l'uniun vegnir deponida per 20 ons tar la LR. Renascha l'uniun u vegn fundada ina nova uniun cun intents cumparegliabels, duai la facultad vegnir surdada a quella organisaziun, cas cuntrari croda la facultad a la LR.</p>
Vigur e revisiun	<p><b>art.20</b>          Quests statuts èn vegnids approvads da la radunanza da fundaziun da l'Uniun rumantscha Grischun central dals 20-06-2006 a Casti. Els entran en vigur ils 01-01-2007. Per ina revisiun totala da quests statuts basegni la maioritad da <math>\frac{2}{3}</math> dals commembers che vuschan.</p>

Uniun Rumantscha Grischun Central

*Filip Dosch*  
 Filip Dosch, president

*Sascha Janutin*  
 Sascha Janutin, actuar

 Lia Rumantscha

Uniun Rumantscha Grischun Central  
 Filip Dosch, president  
 Dafora 14  
 7452 Cunter

Cuira, ils 23 da schaner 2007

Statuts da l'Uniun Rumantscha Grischun Central

Prezià signur Dosch

Grazia fitg per ils statuts sutscrits da l'Uniun Rumantscha Grischun Central che Vus ans avais mess a disposiziun. L'approvaziun da quels è succedida en la seduta dal cussegi dals 12 da settember 2006.

Nus As engraziain per la buna collavuraziun e restain

cun ils megliers salids  
 Lia Rumantscha

*Gion A. Derungs*  
 Gion A. Derungs  
 secretari